

**Deddf Cynllunio 2008 – Adran 91 a Rheolau Cynllunio Seilwaith  
(Gweithdrefnau Archwilio) 2010 – Rheol 14**

**Cais gan Liverpool Bay CCS Limited am Orchymyn yn Rhoi Caniatâd Datblygu  
ar gyfer Piblinell Carbon Deuocsid HyNet**

**Agenda ar gyfer Gwrandawriad Mater Penodol 2 yn ymdrin â materion yn  
ymwneud â'r Gorchymyn Caniatâd Datblygu (DCO) drafft**

Yn ei lythyr dyddiedig 27 Mawrth 2023, rhoddodd yr Awdurdod Archwilio (ExA) wybod i Bartïon â Buddiant (IP) am ei benderfyniad i gynnal Gwrandawriad Mater Penodol ar faterion yn ymwneud â'r DCO drafft. Fe'i cynhelir fel digwyddiad cyfunol ar y dyddiad canlynol:

<b>Gwrandawriad</b>	<b>Dyddiad ac Amser</b>	<b>Lleoliad</b>
Gwrandawriad Mater Penodol 2 yn ymdrin â materion yn ymwneud â'r DCO drafft (ISH2)	Dydd Iau 8 Mehefin 2023 (Amser dechrau'r cyfarfod 10.00am <sup>1</sup> ) Amser dechrau'r Gynhadledd Drefniadau: 9.30am <sup>2</sup>	Digwyddiad Cyfunol Gwesty'r Village, Parc Dewi Sant, Ewloe, Sir y Fflint, CH5 3YB a Chyfarfod Rhithwir trwy Microsoft Teams

Mynychwyr: Partïon a wahoddwyd sydd wedi cofrestru o flaen llaw

(Bydd y Gwrandawriad hwn ar gael i bobl ei arsylwi'n fyw ar-lein hefyd trwy ddolen a fydd yn cael ei hysbysebu ar dudalen y prosiect ar y wefan Seilwaith Cenedlaethol yn fuan cyn i'r Gwrandawriad ddechrau).

### **Gwrandawriadau Mater Penodol**

Bydd y Gwrandawriad yn ddigwyddiad cyfunol, a'r prif ddull o'i gynnal fydd wyneb yn wyneb yn y lleoliad a nodwyd uchod. Caiff cyfranogwyr ymuno ar-lein os dymunant gan ddefnyddio platform Microsoft Teams. Fodd bynnag, os hoffech gymryd rhan yn y Gwrandawriad hwn yn rhithwir, gweler y wybodaeth isod am gofrestru i siarad cyn y Gwrandawriad er mwyn i wahoddiadau ymuno gael eu hanfon. Os hoffech arsylwi yn unig, caiff arsylwyr fynychu'n bersonol neu wyllo o bell trwy'r ffrwd fyw o'r digwyddiad, y bydd y ddolen ar ei chyfer yn cael ei chyhoeddi ar dudalen y prosiect ar y wefan Seilwaith Cenedlaethol ar ddiwrnod y Gwrandawriad. Ni fydd yr Awdurdod Archwilio yn derbyn sylwadau yn y Gwrandawriad ar ffurf recordiadau fideo neu sain.

<sup>1</sup> Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi cyn y cyfarfod i'r rhai sy'n cofrestru i gymryd rhan.

<sup>2</sup> Os byddwch yn ymuno fel cyfranogwr gweithredol, dilynwch y cyfarwyddiadau ymuno ar gyfer y digwyddiad rhithwir yn ofalus a chysylltwch â'r Gwrandawriad mewn da bryd. Yn yr un modd â Gwrandawriadau traddodiadol, bydd y digwyddiad yn dechrau'n brydlon ni waeth os bydd rhywrai'n hwyr, ac efallai na fydd modd iddynt gael mynediad o ganlyniad.

Bydd y digwyddiad rhithwir yn agor 30 munud cyn i'r Gwrandawriad ddechrau i'w alluogi i ddechrau'n brydlon. Bydd Gwrandawiadau'n gorffen cyn gynted ag y bydd yr Awdurdod Archwilio yn ystyried bod pawb sy'n bresennol wedi lleisio'u barn a bod yr holl faterion wedi derbyn sylw.

Diben yr agenda yw rhoi arweiniad yn unig. Ni fwriedir iddi fod yn gyfyngol nac yn hollgynhwysfawr. Caiff yr ExA ychwanegu materion eraill i'w hystyried neu newid y drefn yr ystyrir materion, a bydd yn ceisio neilltuo digon o amser i bob mater i ganiatáu iddo gael ei ystyried yn briodol. Os na fydd mater penodol yn cael ei drafod mewn gwrandawriad, nid yw hynny'n atal archwilio'r mater hwn ymhellach, gan gynnwys gofyn am gwestiynau ysgrifenedig ychwanegol.

Gwneir pob ymdrech i sicrhau bod y materion yn cael eu trafod ar y diwrnod a drefnwyd. Os bydd yn cymryd llai o amser na'r disgwyl i ystyried y materion hyn, caiff yr ExA derfynu'r Gwrandawriad cyn gynted ag y bydd yr holl gyfraniadau perthnasol wedi cael eu gwneud a'r holl gwestiynau wedi cael eu gofyn a derbyn ymateb.

Os oes materion ychwanegol i'w hystyried neu gyflwyniadau sy'n cymryd cryn dipyn o amser, efallai y bydd angen i'r sesiwn barhau'n hirach ar y diwrnod. Fel arall, efallai y bydd angen blaenoriaethu materion a gohirio rhai eraill i dderbyn sylw trwy gwestiynau ysgrifenedig ychwanegol.

### **Mynychwyr:**

Gall y rhai hynny nad ydynt yn mynychu'r ISH wyllo'r ffrwd fyw neu'r recordiad digidol ac ymateb i unrhyw faterion sy'n codi yn ysgrifenedig erbyn Terfyn Amser 4 (dydd Mawrth 20 Mehefin 2023).

### **Agenda**

Prif ddiben y gwrandawriad hwn ynglŷn â'r DCO drafft yw archwilio Erthyglau ac Atodlenni'r DCO drafft.

Yn arbennig er mwyn:

- Egluro materion yn ymwneud â sut y bwriedir i'r DCO drafft weithio – beth fyddai'n cael ei gydsynio, hyd a lled y pwerau a pha ofynion, darpariaethau a chytundebau a gynigir.
- Amlygu unrhyw faterion atal, lliniaru neu ddigolledu posibl nad ydynt yn derbyn sylw yn y DCO drafft, fel y'i lluniwyd ar hyn o bryd.
- Sefydlu neu gadarnhau safbwyntiau Partion eraill â Buddiant ynglŷn â phriodoldeb, cymesuredd neu effeithiolrwydd y cynigion.

**Sylwer:** Er mwyn sicrhau bod yr agenda'n cael ei chyhoeddi'n brydlon, cafodd ei llunio'n fuan ar ôl derbyn cyflwyniadau Terfyn Amser 2 (10 Mai 2023). O ganlyniad, efallai y bydd angen i'r ExA addasu'r agenda yn y cyfarfod i ganiatáu ar gyfer ymatebion neu gyflwyniadau ychwanegol a dderbyniwyd ar ôl y terfyn amser hwn.

## Agenda Ddrafft

### 1. Croeso, cyflwyniadau, trefniadau ar gyfer y gwrandawriad

### 2. Erthyglau ac Atodlenni'r DCO drafft

Gofynnir i'r Ymgeisydd roi trosolwg byr iawn o bob rhan o'r DCO drafft. Yna, bydd yr ExA yn gofyn cwestiynau ynglŷn â phwerau'r DCO, gan geisio ymatebion lle y bo'n briodol gan yr Ymgeisydd, yr Awdurdodau Lleol a Phartïon eraill â Buddiant sydd wedi cofrestru i siarad. Gwahoddir y Partïon hyn â Buddiant i ofyn cwestiynau eglurhad ynglŷn ag Erthyglau ac Atodlenni'r DCO hefyd.

### 3. Atodlen 2 y DCO drafft – Gofynion

Gofynnir i'r Ymgeisydd roi trosolwg o'r Gofynion. Yna, bydd yr ExA yn gofyn cwestiynau, gan geisio ymatebion lle y bo'n briodol gan yr Ymgeisydd, yr Awdurdodau Lleol a Phartïon eraill â Buddiant sydd wedi cofrestru i siarad. Gwahoddir y Partïon hyn â Buddiant i ofyn cwestiynau eglurhad ynglŷn â gofynion y DCO drafft hefyd.

### 4. Erthygl 44 y DCO drafft – Ardystio Cynlluniau

Adolygu'r cynlluniau a'r dogfennau sydd i'w hardystio a cheisio safbwyntiau ynglŷn â ph'un a yw'r rhestr yn gyflawn ac, os na, pa ddogfennau ychwanegol y byddai angen eu cynnwys.

### 5. Cydsyniadau, trwyddedau a chytundebau eraill

Gofynnir i'r Ymgeisydd roi trosolwg o gydsyniadau, trwyddedau a chytundebau eraill a fyddai'n ofynnol i ymgymryd â'r Datblygiad Arfaethedig. Gofynnir i'r Ymgeisydd hefyd roi diweddariad ar gynnydd a graddfeydd amser ar gyfer cwblhau'r cyfryw gydsyniadau, trwyddedau a chytundebau eraill. Yna, bydd yr ExA yn gofyn cwestiynau, gan gynnwys trafod p'un a gynigir unrhyw Rwymedigaethau Cynllunio/ cytundebau Adran 106 ac a oes unrhyw raddfeydd amser dangosol ar gyfer cwblhau dogfennau o'r fath yn derfynol.

### 6. Pwyntiau gweithredu sy'n codi o'r Gwrandawriad

### 7. Unrhyw fater arall

### 8. Cau'r Gwrandawriad